

17. marts 2015

UPA 2015/108

Uunga siunnersuut: Aatsitassat pillugit ingerlatallu tamatumunnga pingaarutillit pillugit inatsisartut inatsisaata nr. 7, 7. december 2009-imeersup allannguuteqartinneqarnissaa pillugu Inatsisartut inatsisaat nr. xx, yy 2015-imeersoq (aatsitassanut ikummatissanullu inatsit)

(Teknikkikkut allannguuteqartitsineq aamma maleruagassani Inatsisartut inatsisaat naapertorlugu aalajangersarneqartuni arsaarinnittarnermut inatsisitigut tunngavissaq)

(Aningaasaqarnermut Aatsitassanullu Naalakkersuisoq)

Kalaallit Nunaanni namminersorneq pillugu inatsisip atuutilernerata kingorna suliaasaqarfiit annertuut ilaat, tassalu aatsitassat pillugit oqartussaaffik tiguneqarpoq, 1. januar 2010-miillu inatsiseqartinneqalerluni.

Inatsisip atuutilernera kingorna arlaleriarluni allannguutit minnerusut annerusullu pisimapput, soorluttaaq maanna aamma Naalakkersuisut allannguutissanik tamatumuuna annikitsunik marlussunnik saqqummiussaqaqlutik.

Siunnersuummi matumani inatsimmi annikinnerusumik teknikkikkut allannguuteqartitsinissaq siunertarineqarpoq. Allannguutip aappaa sullissiviup taaguutaanut allanngor-simasumut aaqqiissuteqarnissamik imaqarpoq, tassalu Danmarks Miljøundersøgelser (DMU)-p sullissiviup taaguutaanut nutaamut Center for Miljø og Energi (DCE)-mut inatsimmi innersuussummik allannguinerulluni.

Allannguutissatut siunnersuutip aappaa unioqutitsisoqartillugu arsaarinnissuteqarsinnaaneq inatsisitigut tunngavissinniarnearpoq, tamassumalu inatsisitigut sulii sukan-nernerusumik piunasaqaateqarnermik malitseqartitsiviusussaammat Siumumiit iluarisi-maarnartikkatsigu oqaatigisinnaavarput.

Siusinnerusukkut Siumumiit Aatsitassanut ikummatissanullu inatsisip allannguuteqarfigi-sarnerani oqariartuutigisarsimavarput inatsisip pineqartup ilaartortuarnissaa kiisalu ineriartortittuarnissaa naatsorsuutigisariaqaripput, inuiaqatigiinnimi aatsitassarsiornikkut atugassarititat pitsaasumik malittarisassaqaartuarnissaat qulakkeerneaqartuartaqarpoq nalimmassartuartaqarlunilu.

Siumup allannguutissatut siunnersuut manna tamakkiisumik tapersermagu naggataatigut oqaatigissavarput, taamaattorli nalilersuilluarnissaq siunertaralugu Aatsitassanut ataatsimiititaliamut suliaasangortinnissaa innersuussutigalugu.

Anders Olsen
Siumut